

1132 [vor Januar 91)].

[3

Bischof Egbert von Münster urkundet betr. Zehntlöse eines Hofes in Ostlegden. In nomine sanctae et individuae Trinitatis. Quoniam pii patroni est, commissi sibi gregis utilitati in omnibus consulere, ego Egebertus, Mimigardendensis ecclesiae licet indignus episcopus, notum facio tam praesentibus quam futuris Christi fidelibus, qualiter curtis amici nostri Halth in villa, quae vocatur Ostlegden, stabilem obtinet pactionem redimendae de curte sua annualiter istius curtis decimam; Lyntbertus de Hundelinchove habet in beneficio, quo annuente cum nostro assensu praefata curtis talem jure perpetuo obtinet pactionem, ut annuatim eidem Lyntberto, qui eandem decimam a nobis habet in beneficio, sive quicumque ipsa decima inbeneficiatus fuerit, in posterum ipsi quatuor solidos Monasteriensis monetae in festo sancti Martini persolvat et sic ab omni alia decimali exactione libera existat. Ut igitur eidem amico nostro Halth suisque posteris haec concessio in redimenda decima praefatae curtis annuatim firma stabilisque permaneat, eam privilegii nostri auctoritate et sigilli nostri impressione roboravimus, et eos²⁾, qui hanc pactionem fraudulenter cassaverint, auctoritate Petri et Pauli anathematis vinculo innodamus. Testes sunt hi: Henricus, Wescelinus capellani; Wolmarus de Weteringe, Mauricus liberi; ministeriales Arnoldus de Billerbeke, Bernardus de Dulmania, Everhardus, Sveterus, Bruno. Acta sunt haec anno dominicae incarnationis M^oC^oXXXII, indictione decima, sub papa Innocentio, rege Lothario.

Kopie im Barlarer Kopiar S. 95.